



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri Francisci Chiffletii, Vesontionensis, Societatis Jesu  
Presbyteri, Opuscula Quatuor.**

**Chiflet, Pierre François**

**Parisiis, 1679**

IX. Conversio Gaufridi ipsius, & aliorum de Scholâ Parisiensi.

**urn:nbn:de:hbz:466:1-9409**

218 Excerpta de vita S. Bernardi.

suis Martyris cum Patre nostro loquebatur, conquerens quod conclusisset Dominus vulvam ejus, ne pareret: jam enim annis ferè novem vixerat cum Rege, & à primis quidem annis conceperat, sed fecerat abortivum, & exinde sterilis permanebat, jam de fecunditate desperans. Cui miserabiliter conquerenti Pater Venerabilis ait: Sollicitè quære quæ ad pacem sunt, & ego tibi, confisus de divinâ miseratione, partum promitto. Hoc & ipse Rex per Reginæ verbum cognoscens, ubi perfecta est reconciliatio, secretius alloquens beatum virum, quod Reginæ promiserat, exigebat, &c. Ipso denique anno Regina concepit, & peperit.

I X. Conversio Gaufridi ipsius, & aliorum de Scholâ Parisiensi.

**C**ONTIGIT aliquando Virum Dei pro quibusdam negotiis ad partes Galliae proficisci: cùmque in itinere & in reditu Scholaribus Parisiensibus (ut solebat) fecisset de conversione sermonem,

## OPUSCULUM IV. 219

vespere cœpit contristari & mæstus esse,  
dicens Deo in orationibus suis, quia ti-  
meo omnino ne forte oblitus sis mei, cum  
preter morem, infructuosum penitus fa-  
ctum sit iter meum, & neque de his pro-  
pter quæ veneram, aliquid obtinuerim,  
nec apud Clericos istos in verbo tuo aper-  
tum sit mihi ostium ullum. In ipsâ enim  
horâ ita consolatus est eum Deus, ut ma-  
nifestè prescierit, & prædixerit, quia ne-  
quaquam vacuus hinc abibo. Sit benedi-  
cta dies illa à Domino, quâ sedenti in  
tenebris & in umbrâ mortis lux orta est  
mihi. Sit benedicta dies quâ Sol justitiae,  
immò misericordie, oriens visitavit ex  
alto miseram animam meam: aduersum  
& perversum nimis hominem, in verbo  
uno, in momento, in ictu oculi, inestimabili mutatione dexteræ Excelsi, prorsus  
in alium hominem recreans, ut sim ini-  
tium aliquod creature ejus. In æternum  
non obliviscar miserationis hujus, quâ  
tam copiosè præventus, tam subito muta-  
tus, multorum super me animos obstu-

220 Excerpta de vita S. Bernardi.

pescere feci. Multi vero in illa capturâ dominicis retibus irretiti sunt pisces, multi & in itinere adjuncti nobis; ita ut transacto probationis anno, ex hoc Collegio Monachi facti simus viginti & unus. Eodem sane tirocinii nostri tempore, absente aliquando Patre nostro, cæpi corpore infirmari, & affligi mente. Scio quia satanas expetivit me, ut cribraret sicut triticum: sed non latuere Patrem que circa me agebantur: & perfectè omnia cognoscens per spiritum, que versabantur in corde meo, (sicut post redditum ejus compéri) oravit pro me ne deficeret fides mea. Ibi, ibi, supra quam essem, impressisti me mirabiliter cordi ejus, Domine Deus meus. Gratias tibi, Domine, gratias tibi. Unde enim tali animæ in tali pectore talis locus? Simile quiddam sibi venerabilis Albericus, qui hodie Abbas est in loco, cui nomen est Benedictio Dei, de se, cum novitus esset, accidisse testatur.